



# **Urkunden-Sammlung zur Geschichte der auswärtigen Verhältnisse der Mark Brandenburg und ihrer Regenten**

...

namentlich in Beziehung auf Anhalt, Bayern, Böhmen, ... und andere  
Länder ; [Urkunden-Sammlung für die Geschichte der auswärtigen  
Verhältnisse]

**Riedel, Adolph Friedrich**

**Berlin, 1848**

2110. Schreiben des Kurfürsten Ernst und Albrechts, Herzogs von  
Sachsen, an den Markgrafen Johann wegen der Verhandlungen mit Jacob  
Poniken wegen Crossen, Schwiebus und Züllichau und des Ländchens ...

---

---

**Nutzungsbedingungen**

[urn:nbn:de:hbz:466:1-56633](https://nbn-resolving.org/urn:nbn:de:hbz:466:1-56633)

So soll Graue Friedrich von Hennenberg vnser Bruder vnd gnediger Herr, oder ob der Zeit nicht inn Leben weher, Graue Hermann sein Sone, dagegen der genannten Frawen Elzbetten zu Widerlegung geben X<sup>m</sup>. fl. guter reinischer Landeswehrung, vnd des Morgens, so daz ehelich Beiliegen geschehen ist, ein Morgengab nach seinen Ern, vnd solche XX<sup>m</sup>. fl. Heimteur vnd Wiederlegung auch darzu die Morgengab verweisen, bewidemen vnd verschreiben, nach notturft für sich vnd jr Erben vf Schlossen oder Stetten vnd redlichen Nutzungen, die jr frey, ledig, vnuersezt vnd vnuerkommert sein vnd pleiben sollen, darauf sie ihren Fürstlichen bestes Standes vnd Wesen vnd ihr vonn zehen Gülden einen Gülden, nach Anzal der tzwenzig tausend Gülden, vnd darzu die Morgengab sich treffend jherlicher nutz vnd Gelts wol gehaben mag etc. Datum zur Newenstatt an der Aysch, am Montag nach sant Laurenzen tag des heiligen Marterers LXXXII.

Schultes Henneb. Gesch. I, 622, 623.

2110. Schreiben des Kurfürsten Ernst und Albrechts, Herzogs von Sachsen, an den Markgrafen Johann wegen der Verhandlungen mit Jacob Poniken wegen Clossen, Schwiebus und Züllichau und des Ländchens Bohnersberg, vom 17. Aug. 1482.

Dem Hochgebornen fursten, Hern Johanzen, Marcgraffen zcu Brandenburg, zcu Stetin, pomern etc. Herczogen, Burcgraffen zcu Nurenberg vnd fursten zcu Rugen, vnserm liben Ohmen vnd Swager. Vnser Fruntlich dinst vnd was wir liebs vnd guts vermogen allezeit zcuuor. Hochgeborner Furst, lieber Ohem vnd Swager. Er Jurge vom Stein hat Jacoff ponicken der sach halben, die auff dem nestgehalten tage zcu Gubben von ewern vnd vnsern Reten von ewrer lieb mit ym gehandelt ist, mit muntlicher vnd schriftlicher werbung zcu vns geschickt vnde dyselbige seyenne werbung vns vorzeichnet vbergeben, dy wir uwer libe mit seyennem glibde briff hir mit zcu schicken, dy uwer libe wol vor nemen: vnde als wir von den genanten Jacoff von ponickaw mit grossin fleiz vmme antwort, was wir vff sulchen seyennen vbergeben werbung zcu thun gemeynt an gefucht worden, haben wir ym geantwort, solch sein obir geben werbung an uwir libe zcu gelangen lassen vnde uwer antwort dor vffe zu vornemen vnd also dennen dem gnantten er Jorgen bey vnser eygen botschafft antwort thun. Das alles haben wir uwir libe nicht vorhalten wollin. Gebin zcu Drefzden, Am sonabint octaua Laurencij, Anno domini etc. LXXX secundo.

Von gotes gnaden Ernst etc. kurfürst vnd Albrecht, Gebr.  
Hertzogen zu Sachsen etc.

Aus dem Königl. Sächsisch. Geh. Archive in Dresden.